

1 TESALONAIKA

Ƴiya Pol siya om Korin hir nwowin mi siya ta yokwowa ha winkikin iikamim naingwo tibmiiyim om Tesalonaika hiranim simiiramim. Biyan siya ti om iir niki okin mi Ƴiya Timoti siya hiriir nimbiamim mi siya kimidiniya Pol siir ini boinu, Juda iikamim yipiki Jisis siiram naingwo tibmii karamae nwowiyim iikamim naingwo tibmiiyim simiirin hik sima hauuwi. Mi ta hiriinan saiirsika Pol siya ta yokwowa saiir asi winkikin minsika iikamim naingwo tibmiiyim wi saeya nwoki whinkinsiis haiginuwim mi simiir naingwo tibmiiya Jisis siiram naingwo tibmiiya wi hiriyar nwoki onkworinukripkaiyim mi wi siyar nwoki itbugiyim. Siya Ƴiya Jisis siya nitana saiir yayim kasakasa bi winkin. Iriig.

¹ Pol, Sailas mi Timoti, krɪma ta yayia yokwoni win hauugika iikamim Adi Komii krɪmiir Wanin siir piugananim om Tesalonaika hiranim kimiirim. Kɪma Adi Komii mi Biyan Inkam Komii, Jisis Kraiis sowiirgisowiirniigim. Mi krɪma ha naingwowi Adi Komii mi Jisis Kraiis siya, sowa naingwobumbu mi iripa nongwomamaɪr aei kwoinin wi kimiir nwoki hauugiyim.

Mi Tesalonaika simiir naingwo tibmiiya kirieka mi saeya ini wadieyar sibgu owa.

² Mi krɪma inokinokin Adi Komii siirim kwisboiniyim, krɪma siirin ha boin wadieikim. Dimusi rani, iikam kimiirsika. ³ Mi inokinokin krɪma siir boinmauwi dimin miyik miyikim

kɪma tɪriyɪm sɪmiir. Dimusi rani, kɪma siir yai ɪmiir wakaeyoknaei mɪ kɪma siiram naingwokwonanae mɪ kɪma dimɪn kirie kirie ɪmiirar tiri mɪ kɪma donkworɪnukripkai mɪ kɪma kirie hiriyar dwokripkai Biyan Inkam Komiiyɪn Jisis Krais siiram. ⁴ Mɪ kɪma ti nomiiyauɪm yɪpiki Adi Komii siirɪm naingwokwonanaeyɪm mɪ krɪma ɪna nɪnoknɪnkɪnɪm siya bidi yɪmbingiyɪn kimiirɪn siir iikam nwowam. ⁵ Dimusi rani, ɪiya krɪma ta Yai Wɪn Kibiya kimiir boɪnmɪmauuwa saiirsika, yɪm nɪksisae yai nɪnga rani mɪ kimiir kwɪnɪm Adi Komii siir yai ɪma mɪ siir naeyɪu ɪeya wɪ sowar kɪnkrip hai. Mɪ Adi Komii siir naeyɪuɪn kimiir kwɪnɪm wɪ siyar kisina haigi mɪ krɪma ɪna nɪnoknɪnkɪnɪm siir yai ɪmiirɪn mɪ ti yayɪm sɪmakisɪmaɪrgɪm kaimwowɪm. Kɪma bidiyar yɪnoknɪnkɪnɪm dimɪnɪm biya krɪma tirɪm kimiir whɪnkɪnsiis haigɪɪuwam. ⁶ Mɪ kɪma Adi Komii siir yai ɪmiir bidi wakaewɪnɪm mɪ iikamɪm sɪma kimiir bidiyar tɪrbumbuɪm mɪ kɪma maɪrgɪmaɪrga bi nwokɪm. Nɪngaka. Dimusi rani, Adi Komii siir naeyɪuɪn siyar whɪnkɪnsiis haigɪɪugɪm kimiirɪn maɪrgɪmaɪrga hiriyar nwokripkaiyɪm. Mɪ kɪma ti dimɪnɪm sɪmiirar tɪrnɪnae, ti dimɪnɪm krɪma mɪ Biyan Inkam Komii Jisis Krais krɪma tirɪm sɪmiir hirɪinan. ⁷ Mɪ ti hirɪinan siyɪuɪn, kɪma yɪpiki iikamɪm Adi Komii siir yai wakaeyokna apiyɪm nu haɪmɪi Masedonia mɪ nu haɪmɪi Akaia hirɪnɪm sɪmiir bidi yɪsiɪmauuwɪm mɪ kɪma sɪmiirɪn dimɪn mɪiyɪk mɪiyɪk ɪmiirar nɪsiɪmauugɪm sɪma kɪgna apamɪn. ⁸ Mɪ ti yayɪm Adi Komii siya boɪnmauuwɪm kimiir, yɪm kɪma bidi yanaaknɪnkiiyɪm mɪ ta yayɪa inkamɪn ɪi

hainiyin mi siir yainana ha namkiya hinda tinda mi ini saiir hiriinan yamiyokiyokiigiya. Mi ta yaiya saeya nu haimii Masedonia mi nu haimii Akaia hiriirara biri namka. Ningaka. Mi ta yaiya ina yiniyokiigiya hinda tinda mi iikam sima ina wakaekiyim kima Adi Komii siir yai imiirin ina wakaeyokna apim mi ta hiriinan saiirsika, krima wi saiir swoki boin tani simiirin. ⁹ Mi iikamim hinda tindanim sima dimin taeminim biya nimbiamim iya krima kimaka waraur nwowa sima simiir whrie boini. Mi kima uruwai siyaowaiyim digumii bidi haimriiyugigim. Mi Adi Komii kangikinin siirar wakaeyokna apkim. Mi uruwai siyaowaiyim yim omwai bi waiyaeikim, yim ini ningar ywowim. Adi Komii sasargin omwai waiyayokiyokiiyin. ¹⁰ Sima ha boinkim, kima siir yinisim iirim dwokwokin siya Adi Komii siir om hir haiburgigi Jisisin, yipiki biya niki aowin, siirin Adi Komii siya kininsiin idwokin mi krimiirin siyar whinkinsiis haiginu mi siyar mi anmaiwarkaina Adi Komii siya tioidwomaiyana saiirsi. Dimusi rani, iikamim, sima dimin biyie tirkim. Iriig.

2

Pol siya mriiya mi om Tesalonaika hir saeya

¹ Kima ti nomiiyauim, kima ina ninokninkinim biya krima nita kimiir nini kignakiyim mi yai kimiir nini boinmimauugigim mi ta krima niki apririr kignakiya kimiir saeya op bi kimaiga. Ningaka. ² Mi kima ina ninokninkinim iya biya krima om Filipai hir nwowa sima krimiirar diriraerarbumbukim mi krimiirin Adi Komii

siya whɛnkɛnsiis haigɛnɛugɛm mi krɛma hikim
sima hauuwɛm simiirsi biri nididgɛm mi siir Yai
Win Kibiya krɛma kimiirar boinmɛmauugig. ³ Ti
yaiyɛm krɛma kimiir boinmɛmauugigim krɛma
kimiir nɛksisae rani. Yaiyɛm krɛma boiniyɛm
krɛma siyɛu biyɛekak bi nwowikim. Nɛngaka.
Krɛma kimiirin yaimwowerar boinikim krɛma
kimiir bi nɛksisaeikim kimiir digworaekwo imiir
nɛksisae haiyɛm. Nɛngaka. ⁴ Biya Adi Komii
krɛmiir Wanɛn siya bɛdiyar kɛnankɛugiyɛn krɛmiir
kwoinɛn mi siya ini wadɛyar ywokiyyɛn krɛmiirin
siir yai imiir boinmɛmauuɛm. Adi Komii siya
ina ninoknɛnkɛnim ti dimɛn taeminim krɛma
boinmɛmauuwiyɛm krɛma minam naingwowi Adi
Komii siirarar maɛrgɛmaɛrga haigɛniuum, krɛma
inkamni maɛrgɛmaɛrga haigɛniuum pi boriisopi.
⁵ Kɛma ina ninoknɛnkɛnim inokɛinokɛn biya
krɛma kimiir boinmɛmauuɛm krɛma kimiiram
bi hiirgɛm. Adi Komii siya ina ninoknɛnkɛnin
krɛma kimiiram bi hiirgɛm mi ta hɛriinan saiirsika
krɛma kimiir umɛr digworaekwo min swoki
iksɛsae hai rani. Nɛngaka. Adi Komii siya ina
ninoknɛnkɛnin krɛma yaimwoarar boini. ⁶ Ta
krɛma miriyya krɛma inig komii haiyɛm pi boriisopi
kimiir bopwoniya waraurɛn mi iikam nɛhɛr ikim.
Nɛngaka. Nim krɛma aposel kamɛm yɛpiki Krai
siya nɛkropkiyyɛm sima mi ta hɛriinan saiirsika nim
krɛma wi digar nwowi Adi Komii siir whwonkam
ɛdan kimiiram sɛriyyɛm krɛmiir inig imiir hainanim
mi krɛma pi boriisopi. ⁷ Mi biya iyya krɛma kimaka
waraur nwowa krɛma kimiirar sibgu kɛgrɛraokim
yopiigi sae kɛgrɛraowiya saiir yɛnim simiir saiir
hɛriinan. Mi krɛma kimiiramɛn dimɛn whɛram

bi sriigim. ⁸ Krıma kımıramar naıngwokim mi krıma Adi Komii siir Yai Win Kibiya sairara bi hauugikim. Dimusi rani, krıma kımıram naıngwokwonanaeikim mi krıma kımıir asi whindirıraerargigim. ⁹ Kima iikam whiekakim ina ninoknınkınim krıma kımıirin Adi Komii siir Yai Win Kibi aıırar boınmauugim mi krıma umıramın ni nabıe mıriigim mi ta hırıinan saırsika, krıma naemın dımınim kımıir waraurankı panınsi haisi.

¹⁰ Kima mi Adi Komii siya kima ina ninoknınkınim dımınim krıma tiriyim kımıir iikamim yipiki Adi Komii siir yai aıırım naıngwo tıbmıiyim. Krıma dımınim big nasmırwaiya Adi Komii siya nwowanım simiırar tırkıim mi krıma dımın mıiyıkim dımın whırkı kımbu karamae nwowiyim simiırarar tırkıim, krıma sıyım dımın whırkı kımbu karam nwowiyim simiırarar tırkıim dımın bıyie wara bi tırkıim. ¹¹ Krıma ini adın siir yınısımım simiıir boınmımauwıiyim ini siir hırıinan ywowım mi kımıirin krıma nokwao boınkıim mi kımıirin maırgımaırga krıma nwowaıgıııugıkim mi krıma kımııram sıınınaekim ¹² kima inokıınokın Adi Komii siir sıbgu wakaeyokna ap siya kımııram nıkıunanaeikın mi kima mi siya kima wı irıpa nıdwowı mi kımıirin wı sıyar kıgrıraowı mi siir dımın taemın mıiyık mıiyıkım kima wı simiırar ninan haiswowı. fıııg.

¹³ Inokıınokın krıma Adi Komii siırar boın wadıe nanaeikım tı dımın taemın imiırsıyın. Bııya krıma kımıirin Adi Komii siir yai imiıir boınmımauugım mi kima simiırin ina wakaeyokna apım sıma inkamni yai rani. Nıngaka. Tı yayım kima

wakaeyokna apim kima Adi Komii siir yai imiirar wakaeyokna apkim, ti yaiyim sima diminar tirikim kimiir kwoinauin, iikamim yipiki siir yai imiir wakaeyokna apim. ¹⁴ Kima ti iikamim Adi Komii siir piugananim nu Judianim yipiki naingwo tibmiyyim Kraisi siir wakaeyokna apim simiir kigna mriiyan iikamnan bidi ywowim. Ti nomiiyauim, ti iikamim ti om Tesalonaika tiranim kimiigikimiirar nomiiyauim kimiirin siyiu biyie simar tirikim yipiki Adi Komii siir yai imiir wakaeyokna apim mriipa hiriinan sima ti Judan iikamim sima siyiu biyie bidi mriim iikamim yipiki Adi Komii siir yai imiir wakaeyokna apim waraur nwowim. ¹⁵ Biya Juda iikamim sima nisomsomaokaokim profet kamim yipiki biya Adi Komii siir yai imiir nanaakninkii haiginiuum mrii hiriinan simiir yiniyeyim sima yisomao krimiir Biyan Inkam Komiiyin Jisis siir mrii tariinanin sima ini siyiu biyie krimiirar swoki tirim mrii siyiu hiriinanin sima tirin mrii Adi Komii siir kwoinin ini haughauga whiyekiyin. ¹⁶ Mrii sima dimin bibiyie iki iikam nirim simiirar tirikim. Dimusi rani, sima krimiir siyiu iir ninkripkigim iikamim Juda iikam tani krima yai simiir boinmimauusi. Mrii hiriinanki niuwi sima digumii ti dimin biyie iir haimriiyugig mrii Adi Komii siya wri simiir nwoki anmaiwarkainaim. Ti iikam bibiyeyim dimin bibiyie imiirar tiryokiyoyim mrii taka iya Adi Komii siya hik ti simiir dimin bibiyeyim simiirsi hauuwana saeya bidi yimbiniya. Iriig.

Pol siya simiir swoki kigam naingwokin

17 Mi ti iikamim krimiirin sima nikropkikim mi krīma ina yamim mi iiyim hoimgak rani, krīma kimiir haiburgigim mi krimiir kwoinim ini kimaka waraurar yinkin okiyim. Mi krīma wigkamim wigpiowa kampiowa nīnga nwowiyim ini simiir hiriinan ywowim. Mi krīma kimiir whwonkam kignakiyamim ina naingwowim mi krīma ina niki hidim siyiwamim krīma wi panina niti kimiir kignakiyamim. 18 Kara Polkin mi kara iinokiiinokin ina kinankiun kimiir kignakiyamim mi krimiir siyiuin ini Setan siya yinkripkiyiyin. 19 Mi Mhoiia iia Jisis siya swoki iti mi krimiir hainami mi krīma wi saika nwowi mi wi omwaiya waiyayokiyokigiyami. Mi mhoiia iikamim sima wa ha dimusi boini krīma wadiyairgim? Mi mhoiia krīma wi maigimaigra dimusi nwowi? Mi Mhoiia krīma wi krimar dimusi hainanaei? Krīma wa hainanae, krimiir inig iirarin. Dimusi rani, iikamim kimiirsika. 20 Kima iikamim yipiki krimiir yai imiir wakaeyim mi Adi Komii siir kigna apim, wim kima maigimaigra krimiir nwo haiginiuwu. Iriig.

3

Timoti siya yai kibiya saiir hainanikin mi Pol siya ini maigimaigra ywowin

1 Mi iia krīma nwoimararim waraur nitam nwoninaeya, krīra hiniina naingwokwoko nikrira wi om Atens tir nwonawidi. 2 Mi krīra pi krimiir nomiiyauin Timoti siirara nikropki yipikin siya krīraka miriyyin Adi Komii krimiir Wanin siir mi aiirin mi Kraiis siir Yai Win Kibi aiir nanaakninki haiginiuwam mi siirin krīra nikropki mi siya niti

kimiirin wɔ siya whɛnkɛnsiis haiginiuwɔ mi kimiir kwoinin wɔ kirɛ nwokɔ owɔm Adi Komii siir yai aiir wakaeyokna apamin ³ mi ta hiriinan saiirsika, kimiir iikam nɛirkɛm bi kiyopsimsibgigim. Dimusi rani, ti hik imiirsika. Mi kɛma, kɛma kɛmarin ina ninoknɛnkɛnim ti hikim Adi Komii siyar nimbinkɛn krɛma haiyamin. ⁴ Mi biya iya krɛma kɛmaka waraurar niki owa, krɛma kimiirin hɛnɛna boinmauugim, iikam nɛirim wɔ dimin biyɛ krɛmiir tiri. Dimusi rani, krɛma Adi Komii siir yai aiir wakaeyokna apikim. Mi kɛma ina ninoknɛnkɛnim ti hiriinan diminim kimiir nimbini krɛma biya kimiir bidiya iki boinmauim. ⁵ Mi kara ii priei nwowim pi boriisopi mi kara Timoti siirin ta hiriinan saiirsiya nikropkisasauugin kimiir kɛgnakiyim, kɛma ini Adi Komii siir mi aiirar mɛriiyim iyɛ? Saiir mɛrii rani. Kara pi nididi kimiir kwoinim wɔ Setan siya nipiyaokɛisi mi diminim krɛma tirim, sima wɔ naekak nwo rani. Iriig.

⁶ Timoti siya kimiir haiburgigin mi siya tiriir ha nitin mi ta Yai Win Kibiya siya ina anaaknɛnkɛi haiginiuni. Kɛma Adi Komii siir yai imiirar wakaeyokna apkɛɛpkai mi kɛma iikam imiirim warar timi inkɛn aingwokwonanae mi krɛmiirimɛn iriipi hiriinan warar timi inkɛn aingwokwonanae krɛmiir kɛgnakiyam, krɛma naingwowiya kimiir kɛgnakiyim saiir hiriinan. ⁷ Mi krɛma wɔ maigimaigra nwokɛɛpkai. Dimusi rani, iikam kɛma ini Adi Komii siir yai imiirar niki wakaeyokna apkɛɛpkaiyim. Mi iikamim sima siyu biyɛ krɛmiir tiriyim mi krɛma hikak biri nwowikim. Nɛngaka. Mi diminim krɛma

wakaeyim kima tirim, yim krimiirin simar whinkinsiis haiginiuwi maigimairga hiriyyar nwokripkaiyim. ⁸ Mi kima Adi Komii siir yai imiirin hiriinanar wakaeyokna apkrpkai mi ha timi okworinu krpkai mi hiriinankiniuwi, krma wa nongwomamair aei. ⁹ Mi krma Adi siirin wi panina boin wadie mi krma siirin wi ha nsiimauuwi krma maigimairga kirie komiigakim. Dimusi rani, iikam kimiirsika, ha? Yio ti hiriinanin yio siyu karamaeka. Nngaka. ¹⁰ Mi inokininokin krma Adi Komii siirama sriinanaeikim krma kimiir kigam mi kimiir naingwo tibmii aiir whinkinsiis haiginiuwam mi kimiir naingwo tibmiiya saeya wi sapisap kipi nwo. Iriig.

¹¹ Mi krma hinina naingwowi krimiir Adi Komiiyin mi krimiir Biyyan Inkam Komiiyin Jisis, sowa whindiriraerarkiko kimiir kignakiyam. ¹² Mi krma hinina naingwowi Biyyan Inkam Komii siyar tirki kimiir nomiiyauim iki iikam nhirim hinda tinda nwowim simiiramn nhami nhami kipi naingwokwonanae opki mirkimirka sae ninkiniya mi ha bwaembwaekiniamiya saiir hiriinan, ta krma naingwokwo nanaeiya kiiiram saiir hiriinan ¹³ mi iriipa hiriinan Biyyan Inkam Komiiyin siya wi kimiir kwoin imiir tirki sima kirie nwoki owim. Mi mhoiyya Biyyan Inkam Komiiyin wi siir iikam imaka niti mi kima Adi Komii siir whwonkam ida wi dimin whirki kimbu rani. Iriig.

4

Ti hiriinan siyutin kima Adi Komii siir

wakaeyokna apiyin yio Adi Komii siir maigimaiga haiginuwi

¹ Biya krɩma kimiir bɩdiyar iki boinmauwim mi kimiir bɩdiyar mi isiimauuwim siyɩun Adi Komii krɩmiir Wanɩn siir wakaeyokna apanɩn mi maigimaiga siir nwo haiginuuwim mi krɩma ina ninoknɩnkinim mi kɩma simiir tiri mi krɩma kimiirin wi asi srɩnanae krɩmiir Biyan Inkam Komiiyin Jisis siir yai imiiramɩn mi kɩma ti siyɩu iirin wi hirii hiriinanar tirnanae. ² Kira bɩdiyar yinoknɩnkinin yayim biya kiriir boinmɩmauwim krɩma, Biyan Inkam Komiiyin Jisis siir inigni. ³ Mi dimɩn taeminim Adi Komii siya naingwowim kira kigna dirɩraeraram simiirin donkworɩnukripkai mi kɩma dimɩn whirki kimbu karamae hiriyar dwokripkai. Mi kɩma siyɩun hi nanaeyin siirsiyin aru dwo. ⁴ Mi kɩma irɩra nwinwira sibgu dinoknɩnkin siyɩun kimiir piu aiir kigraowanɩn mi rirmiia dwokripkai mi Adi Komii siya ti hiriinan dimɩn miyikin siir kigi mi siya wi maigimaiga nwowi. ⁵ Mi kɩma hi nanaei siyɩu biyeyin siiram kipi naingwokwonanae iikamɩm yipiki Adi Komii siiram naingwo tibmii karamae nwowiyim simiir hiriinan kipi nwo. Nɩngaka. ⁶ Mi kɩma kimiir nomiiyauim simiirin siyɩu bibiyɛ kipi tirhaiginu mi simiir kwoin imiir kipi kiyai Nɩngaka. Dimusi rani, biya krɩma kimiirin hinina boinmauugim, iikamɩm yipiki ti hiriinan siyɩu biyɛ iir tirim yim wi Biyan Inkam Komiiyin siya nonkwobumbunɩnkin haiginuwi. ⁷ Mi Adi Komii siya krɩmiirin siyɩu bibiyɛ tiram bi nikiunakin. Nɩngaka. Siya krɩmiirin dimɩn whirki kimbu karam nwowim nikiunakin. ⁸ Mi iikamɩm

yipiki digiumii ti yai imiir haimriiyugigi, yim sima digiumii iikamim ti yai imiir boinmauwim simiir haimriiyu rani. Nningaka. Yim sima digiumii Adi Komii siir haimriiyuwi yipiki inkamin naeyu miyik krimiir hauun.

⁹ Mi kara kimiiram w winboinki rani, siyuin nomiyau nhirmiyam naingwokwonanaeyin siirin. Nningaka. Dimusi rani, kima bidiyar yinokninkinim. Dimusi rani, kara kimiir bidiyar iki boinmauun Adi Komii siya naingwokwonanaeyim kimiir nomiyau imiiram.

¹⁰ Mi kima kimiir nomiyauim simiiram bidiyar yaingwokwonanaeyim hinda tinda nwowim nu Mesedonia hir mi krima kimiirin pi hinina boinkii, kima kimiir nomiyau imiiram daingwokwonanae.

¹¹ Mi kima omwai sibgu waiya yokiyokiyam daingwokwo mi dimin biye tirim kipi naingwo mi pu minki kipi piyao mi kima kimiir umir mi imiirar sibgu mirii, biya krima niki boinmauukiya sair hiriinan. ¹² Mi iriipa hiriinan iikamim yipiki Adi Komii siiram naingwo tibmii karamae nwowim simiir whwonkam ida kimiirin sima wa kignaingwo boini kima iikam miyik miyikim mi kima dimin taeminim w kima kimar haiyam naingwona rani. Nningaka. Iriig.

Mi Biyan Inkam Komiiyin siya nitan ii aeya

¹³ Mi kara pi boriisopi iikam kima habwaowaenan nwowim kimiir nomiyauim naokaowim simiiramim. Mi kara pi boriisopi kima maigimaigra nwo karam nwowim ti iikamim naokaowim simiirsiyin ti iikamim yipiki Adi Komii siiram naingwo tibmii kin karamae nwowiyim simiir hiriinan mi siya ti iikamim

simiirin wi swoki kininsiin idwo rani, omwai waiyayokiyokiyamam. Nningaka. ¹⁴ Mi krīma ina naingwo tibmiiyim Jisis siya bidiyar iki aonamin mi siya kimidiniya ie hiranki swoki insiin idwo, tiriiginim yipikim Adi Komii siir yai aiiram naingwo tibmiiyim mi ha naonamin mi Adi Komii siya wi ti iikam imiir hidninsiin idwowi mi sima wi saika warar swoki inkin iti.

¹⁵ Krīma kimiirin dimin taeminim yipiki biya Biyan Inkam Komiiyin siyakisiyar boinim simiir boinimauuwi. Yim hinngim, krīma ti iikamim yipiki ti omwaiya niki waiyam mi iya Biyan Inkam Komiiyin siya niti mi iikamim yipiki biya naokaowim simiir biyin wi krīma nam tani. Nningakinngaka. ¹⁶ Mi Biyan Inkam Komiiyin siya wi ninomor kou hirankin sasar niuuni mi siya wi yai komiiyar boinki mi Adi Komii siir paekwosimn kirie komiigakin siya wi komiiyar kauwok boinki mi Adi Komii siir kidin wa masboinki mi Krai siir iikamim yipikim biya naokaowim mi biikibiyyin wi simar ninsiin idwowi. ¹⁷ Mi ta saiir mhoiiyarin mi iikamim naingwo tibmiiyim yipikim omwaiya niki waiyam mi yim wi simaka warar ninkin ami mi iikamim sima Biyan Inkam Komiiyin siirin wi kou hir niyiskaiwini. Mi Biyan Inkam Komiiyin siya krīmiirin wi ti hiriinan siyū iirsi nikunainami mi krīma inokinokin wi saikar nwoyokiyokikaiyami. ¹⁸ Mi kima irni nwirni whinknsiis ankinsiis haiginu mi maingimainga ta yai anaka dwo. Iriig.

Krīma hīriiyar sibgu okworīnu krīpkai iya Bīyan Inkam Komīiyin siya swokī itina saiirīm

¹ Kīma tī nomīiyauīm, krīma iya tī dimīnin siya nīmbiyamana pī yokwoni kīmīir wīnboīnmauugi rani. ² Kīma iikamīm, kīma ina sibgu inoknīnkīnim iya Bīyan Inkam Komīiyin siya nītina ya wī inkamīn digworaekwo tauaeyīm nītiyīn nīyaka wī siir hīriinan nīti mī iikamīm wī hindara nanaawīni. ³ Iya inkam nwrkī ha boīni krīma īni wadīeyar sibgu owīm mī dimīn biyīe whir karamaeka mī dimīn whirīn ina yīmbiyamīn simiirīn mī simiir tīrbu wīga yīpīkī yīnisīm naokainam tīriya mī ha diyīuraeyīuwiya saiir hīriinan mī sima wī saiirsi kiyoopki rani. Nīngaka. Wīga yīnisīm naokainani hīkim simiir hai karamae bī swokī owīka. ⁴ Kīma tī nomīiyauīm, kīma yīpīkī iikamīm Adī Komīi siir wakaeyokna ap karam nwowiyīm simiir hīriinan tani mī iya siya swokī itina ya wī krīmīir nanaa haigīniū rani, hīyan inkamīn yīpīkī digworaekwo tauaeyaeiyīn siir hīriinan. Nīngaka. ⁵ Kīma iikamīm īni Adī Komīi siir yīnisīsīm ara ywowīm mī siir yai īmiirar wakaeyokna ap. Kīma Setan siir iikam tani yīpīkī siir yai aiir wakaeyokna ap karamae nwowīm. Nīngaka. ⁶ Mī tī hīriinan saiirsika, krīma iikamīm yīpīkī Adī Komīi siir yayīyīm simiir wakaeyokna ap karamae nwowiyīm simiir hīriinan tani. Nīngaka. Krīma krīmasiyar mīntaraona mī dimīnīm Adī Komīi siya boīniyīm simiirar wakaeyokna apiyokiyokī. ⁷ Iikamīm yīpīkī Adī Komīi siir yai īmiir wakaeyokna ap karam nwowiyīm, yīm īni iikamīm nhwo whwonkaowiyīm īni simiir hīriinan ywowīm

mi ini iikamim op kirie kwiyae whaowaeyim mi dimin taemin ha priidiriraeraramiyim ini simiir hiriinan ywowim. ⁸ Krīma iikamim yipiki Adi Komii siir yai imiir wakaeyokna apiyim krīma krīmasiyar mīntaraona. Krīma Adi Komii siir yai imiir wakaeyokna ap mi iikam imiirim daingwokwonanaei. Ti dimin hiriinanim kimiir whinkinsiis haiginuwiyim, yim nhaowa inkamki hoikwowiniya sair hiriinan ywowim. Krīma Adi Komiiyin yipikin mhoiya krīmiir nikiunakiyanin mi krīmiir whindiriraeraranin siiram waikao. Mi ta hiriinan wi saeya whinkinsiisi pagra kirieya iya kamim yai niniyim simiir mwo imiir haiginiya sair hiriinan. ⁹ Adi Komii siir iowa krīmiiram biri nīmbinga krīmiir nonkwoninwomwirninkinim. Nīngakinīngaka. Mi siya ha nīmbingin krīmiirin, krīmiirin wi krīmiir Biyan Inkam Komiiyin Jisis Kraisiir inigni nanmaiwarkainaei. ¹⁰ Biya siya krīmiir whindiriraeraram naokin mi ta hiriinan sairsika krīma yipiki omwai waiyam mi yipiki naowim mi mhoiya krīma wi omwai saikar waiyayokiyoki inokinokin. ¹¹ Kima irni nwirni dinan inkinsiis ankansiis haiginu mi irni nwirni timi whindiriraerar haiginu tariinanin kima tira sair hiriinan tir. Irig.

Nikopkaigiyan yai ima

¹² Krīma kimiirin igao yai boinkim, kima iikamim Biyan Inkam Komiiyin siya nikmwim kwoim kimiir bopwoniya waraur nwowim simiir yai imiir wakaeyokna mi simiirin siyu miyik imiirar disimaau. Dimusi rani, kimiirin ini simar kigriraowim mi ini simar nowomwarkaiyiuim Adi Komii siir dimin taemin imiirin. ¹³ Kima

ti kam miyyik miyyikim simiiram daingwo mi simiiramın ha daingwokwonanaei. Dimusi rani, dimin taeminim sima tiriiyim simiirsi. Kima iraka nwirka dongwomamaır ae.

¹⁴ Ti nomiiyauim, krıma ti yayım kimiirın igao yai mınsi boınki mi kima iikamım yipiki nhakiuwiyim simiir boınwakae. Mi iikamım yipiki nididiyim simiir whinkinsiis mi iikamım yipiki maırgımaırga nwo karamae nwowiyım simiir kinsiis haigınıu mi kima hiinsıma dwo iikam simakan. ¹⁵ Kima sıbgu mıntarao, kima yipiki iikamım sıyıu biyie kimiir tir haigınıuwiyım, kima simiirın wı yamdi kipi swoki tirbu haigınıu. Nıngaka. Mi kima ırni nwrniyin mi iikamım hında tında nwowım simiirın dimin miyyik imiırar tir inokıinokın.

¹⁶ Mi inokıinokın kima wı maırgımaırga dwokrıpkai. ¹⁷ Inokıinokın kima nhwo Adi Komii siirama kwıboınanae. ¹⁸ Kima Adi Komii siir boın wadie ti dimin taemin whiekakım nımbımbıyamım simiirsi, Adi Komii sıya wı maırgımaırga kımaka nwowi, kima ti dimin taeminim Kraıs Jısıs siir inıgni tiri yipiki kimiir whinkinsiis haigınıuwiyın.

¹⁹ Kima dimin taeminim Adi Komii siir naeyıuın sıya tiriiyim simiir kipi kikinokou. ²⁰ Kima, kimiir whwomısım amımıra kipi nwo mi sıyıu biyie kipi nısiımauu ti kamım Adi Komii siir naeyıuın sıya boınmımauuın diminim mi ha nanaaknııki haigınıuwım. Nıngaka. ²¹ Kima dimin taeminim iikamım sima boınmımauuwiyim mi sima nanaaknııki haigınıuwiyım simiir kınanankıu

m̄i dim̄in k̄ibi k̄ibiȳim s̄imiir s̄ibgu onkwor̄inu.
 22 M̄i dim̄in biȳie im̄iirsi dapyok.

23 Kara ha naingwowi Adi Komii k̄rimiir Wan̄in siyair̄gin maiḡimaiḡani bwamk̄ibwamin̄ m̄i k̄imiir̄in w̄i siyar wh̄ink̄insiis haiḡin̄iwi siir wakaeyokna ap̄im m̄i ta h̄iriinana saiirsika k̄imiir kwoin̄im m̄i kwoin̄budim̄ m̄i k̄imiir p̄iūim w̄i wad̄eya h̄iriyar, nwokwokini m̄i w̄i iya Biyan Inkam Komii Jisis Krai siya swokī iti w̄i saiir nad̄iḡiwi. 24 Adi Komii siya k̄iriiram b̄idi ȳik̄iūin m̄i k̄ima siirḡisiirḡim m̄i siya siir kwoin̄in b̄i swokī kisina haigiik̄in m̄i siya w̄i t̄i dim̄in im̄iir t̄irk̄ripkai m̄i w̄i sima d̄iḡii.

25 T̄i nomiiyauim̄ k̄ima Adi Komii siiram t̄i kw̄isboin̄ k̄rimiir̄im m̄i siya w̄i k̄rimiir̄ nwoki wh̄ink̄insiis haiḡin̄iūim. 26 Iya k̄ima k̄imiir nomiiyau im̄iir nokboin̄mamāriȳim k̄ima s̄imiir̄in warar dankabmamārgiyam. 27 Kara k̄imiir̄in Biyan Inkam Komiiȳin siir in̄iḡ iir boin̄ki, igao yaȳim k̄ima ta yokwowa wara nomiiyauim̄ waraur nwow̄im s̄imiir whwonkam id̄a mwain̄. 28 Kara ha naingwowi Biyan Inkam Komii Jisis Krai siir naingwobumbuwa w̄i kimaka nwowi. Iriig.

Yai Win Kibiya
The New Testament in the Sepik Iwam Language of
Papua New Guinea
Nupela Testamen long tokples Sepik Iwam long
Niugini

copyright © 1989 Wycliffe Bible Translators, Inc.

Language: Sepik Iwam (Iwam, Sepik)

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-10-23

PDF generated using Haiola and XeLaTeX on 21 Feb 2024 from source files dated 31 Aug 2023

5350dc83-93b2-5000-9c98-dcdb728ba84f